

Codex Laureshamensis Teil: Bd. 1, Einleitung, Regesten, Chronik Nr. 165

Alexander episcopus servus servorum dei. Dilecto filio Sigehardo, laurissamensi abbati, salutem et apostolicam benedictionem. Speciali gratia et largitione muneris decorari meretur, qui erga beatum Petrum et sacrosanctam romanam ecclesiam devotior invenitur. Quocirca et testimonio quod de te accepimus, et dilectorum filiorum nostrorum, Petri titulo sanctae Susannae pbri. cardinalis, et Ottonis palatini comitis precibus inclinati, tibi et successoribus tuis usum mitrae de consueta clementia sedis apostolicae indulgemus in perpetuum. Data Lateranis, XVII kl. madii.